

Zootecnia: Assessore Satta, su primore de is petzas nostras devet èssere rapresentada in totu su mundu. Serbit una filiera pro is ratzas bovinas



“S'istadu de salute de is ratzas bovinas de petza est in bonu. B'at gana meda de filiera, meda recherta dae banda de is allevadores e de is matessi Assòtzios de categoria”. Dd'at sutaliniadu s'assessore regionale de sa Massaria, Valeria Satta, in unu convegno chi at

interessadu totu is partes, dae is allevadores a is veterinàrios. Una garanzia de calidade pro is petzas de sa Sardigna. Su servìtziu de sanidade animale de su Dipartimentu de Prevenzione Nord Sardigna, gràtzias a sa collaboratzione de impresas e assòtzios est devènnidu puntu de riferimentu pro unu cumpartu de primore comente cuddu agrozootècnici, premiadu dae su mercadu e in is fieras de setore in totu Itàlia. Unu cunfrontu abertu intre rapresentantes de is assòtzios, allevadores e veterinàrios. Paris pro rapresentare s'istadu de salute bonu de su cumpartu, in su cursu de su convegno “Sa sanidade pùblica e veterinària e sa filiera de su bovinu de petza”.

Su Dipartimentu sanitàriu e veterinàriu, a traessu de una sèrie de controllos e rechestas imbiadas in is annos a sa Commissione europea est resèssidu a fàghere otènnere dae pagu a su territòriu de sa Gaddura su status de “indenne” dae sa turbercolosi bovina. Is controllos e is sistemas de registratzione de datos sunt resurtados fundamentales pro sa tratziabilidade, garanzia e trasparèntzia pro is operadores e pro is tzitadinos. Sa calidade, ant naradu is assòtzios, dpet èssere fundamentale. Est a respetare is règulas sanitàrias ca si unu produktu est tratzadu faghet a bèndere a prètzio majore.